

安徽府屬十志輯

中國地方志集成

安徽府屬十志

中國地方志集成

安徽府縣志輯 ⑤9

乾
隆
池
州
府
志

江蘇古籍出版社 ● 上海書店 ● 巴蜀書社

中國地方志集成

安徽府縣志輯⑤

出版發行 江蘇古籍出版社

社址：南京市中央路一六五號

發行部電話：〇二五—三三三三四六一

郵編：二一〇〇〇九

印刷 上海市印刷七廠

定價 二八七元

責任編輯 王華寶

封面設計 范一辛

美術編輯 姜嵩

1998年4月第1版第1次印刷

ISBN 7-80643-020-2/K·20

重脩池州府志序



江以上轄府八州九縣五十一而池陽據上游與皖口交峙扼滇黔蜀楚閩粵豫章之衝固東南一重鎮也

皇上御極之三十六年余奉命來守是邦期與二三令長物土之宜而布其政首按郡志提綱挈領經緯秩然考星野則南斗之墟而天廟天府漸臺輦道河鼓之分

衛也察地理則揚州之域而故鄣石城陵陽廣陽秋浦康化之沿革遷易也其外江之襟帶則風潮上下五百里而吉陽石牌鱖口鵲頭戍諸古跡稱險要焉

其內山之拱抱則官民田幾萬頃而大雄大還西洪九華天門諸勝又層峻而環阻焉其城署所建則通遠之門總管之府思政之堂大觀節愛之樓彬可按

也食貨所紀則秔稻黍稷
麥豆漆靛茶蔬以及五釵
之松九節之蒲而銅官鐵
冶詳且悉也學校所掌則
明倫之堂尊經之閣時習
日新之齋以及翠微之精

舍陽明之書院至今不朽
也若乃蕭復盧肇杜牧包
拯滕甫梅堯臣陳思濟輩
之良法美意則名宦縷述
矣嚴詡柯堅費冠卿張喬
胡楚賓李呈祥柯喬丁旦

革之文行彪炳則人物具
舉矣官斯土者讀之以發
其凡而其中民生之利病
物產之息耗因時移易者
又周咨而徧覽以權其因
革損益之宜亦可恪共厥

職矣我

朝重熙累洽百四十年来

聖德之涵濡

皇風之蒸變豐碩懿茂日新月

異而歲不同較之前志更
有美不勝錄者以是康熙

間癸丑一脩乙酉再脩今復閱六十餘年之久多缺焉未載弗脩也近復梨棗告燬稽考末由工尤難緩遂詳明各憲敬謹重加纂輯首倡蠲俸而闔郡紳士亦樂為襄事爰率諸令長暨學官耆碩弟子員詳搜博訪繁者薙闕者增起丙申之春越戊戌冬始蕝其事為志二十五卷表十一卷列傳二十二卷遵例

呈 學憲核定以次授梓雖擇焉未精而後之官斯土者尚得緣是究古今政治之本末以宣力一方對揚
 聖天子之休命則區々之心亦藉以稍盡也是為序
 乾隆四十三年歲次戊戌孟冬月
 誥授朝議大夫江南池州府知府加三級關中張士範撰



重修池州府志序

今之作地志者非止述地志也一
志成而類有數十書詳及人物則
先賢志者舊傳也誌及守令則京
尹傳太守贊也旁及方外則名僧
錄道學傳也疏及禮儀祀典則古
今儀集吉凶禮要也因人物又列

池州府志

劉序

一

及著述則文章志文彙採錄也錄
及科第仕宦則登科記制舉編播
紳集朝官簿也仕宦并及贈蔭則
沈氏衣冠集錢氏慶系圖也因守
令又攷及官制則漢官儀晉官品
也曲折及廨宇則名園記衙署志
也因方外又推及仙佛則玉清秘錄

釋迦譜略也博採及神異則研神

志怪聞奇定命之紀錄也志載之
繁如此而求地志中所最急若道
里之遠近疆宇之分合東西南北
之界域一州一縣一鄉一驛之省設
山川陵谷之向背溝渠坡堰之灌
注城池街巷都圖井邑之曲折高

池州府志

劉序

二

低原隰種植之宜橋梁亭堠來往
之便以及古人六體四至八到之良
法羨矣舉缺而不備焉甚矣為地
志者之詳其所當略而略其所當
詳也夫行吾之志而言地者不必錄
及天文星野全圖於一州一邑之土
壤無與也言山川者不必錄及名

勝神巖福地於高下之方邪
迂直無與也星紀且不錄而錄及人
物乎名勝且不錄而錄及名勝之
著述乎然法古難改今亦難舊文
相襲以為不可移故事相沿以為
不可改苟盡舉前志而空之而曰
吾有所為地志者在則居是地者

池州府志

劉序

三

必譁然起矣其法唯當明其輕重
辨其緩急而於吾之所急者山川
道里溝渠城郭都圖井邑迂邪
遠近廢興沿革梁橋道之所通
邱陵原隰之所植以及古人之六體
四至八到之良法羨意一一舉而詳
筆之詳圖之而後上窮分野之星

下攬靈區之勝及一方之人物一州
之守令神祠官廨科名仕宦藝
文典禮仙佛道釋幽奇靈異之種
種曰吾不妨附見之以承前志之羨
備以待後人之決擇合之則為一志
分之仍可作數十書則芝亭太
守而重修池州府志得之矣書成

池州府志

劉序

四

五十八卷索序於余固何以序之
夫六舉余夙所欲與太守言者
序之而已夫今之府州縣志責成于
學使者所以重其事也然則余之
序池州府志者豈僅為池州一府
言之乎

乾隆四十三年又六月既望中憲

大夫司經局洗馬兼翰林院脩撰
文淵閣校理提督安徽等處學政
加三級長沙劉權之序



池州府志

劉序

五

池州府志

王序

一

郡縣有志非徒備掌故實政治之
得失係焉此即禹貢敷土周禮職
方太師陳詩納賈之意脩之不可
不亟、矣池陽為安省重地山峭
水清風和俗茂士質而文農勤而
樸衣冠文物俱足增志乘光舊志

修於前任太守馬公康熙辛卯迄
今數十載版多漉漫中間事蹟經
我

朝重熙累洽休養生息物產日益滋
戶口日益增人文日益盛士風民
情日益彬雅守土之臣推廣

皇上聲教與 院司愷悌釀成民豐物
阜者不於舊志增而修之奚以信
今傳後鼓吹休明耶昔朱紫陽守
南康甫下車即詢郡志誠以政治
之大無過於此茲逢我 郡伯蒞
亭張公以關中名儒官中翰受

天子特達知擢守是邦課農桑興學校
培書院修道路鋤奸剔弊撫士綏
民一切善政次第施行尤念府志
資官常之考鏡公餘叅訂設局編
次遠稽載籍近採訪聞纂為五十
八卷編定四十一條論求其公事

求其核有倫有脊洵良史材俾後
人一開卷而瞭如指掌我鄉人攷
天文則有星宿分野之志興地利
則有山川田里之圖服古教則有
秩祀官師之典敦懿行則有忠孝
節烈之傳振人文則有翰墨著作

之林建勲業則有名宦鄉賢之蹟
炳：麟：攸關世教則是編也實
經國之鴻猷所以揚
聖化而咏太平者其在斯乎豈徒博物
洽聞侈淹雅而供流覽也哉書成
屬序於余余年來恭膺

簡命屢掌文衡走秦晉過河洛抵楚粵
 所閱記載必兼收並錄以為非文
 章之求而政事之是務 蒞亭是
 志治具畢張足為吏治之助而我
 池文獻得以昭垂千古也是為序
 乾隆四十四年歲次己亥孟春月

池州府志

玉序

四

署 日講起居注官翰林院編修前廣
 西學政加四級紀錄二次郡人王
 懿脩撰



前志舊敘

明何紹正重修郡志敘

天下事有關於世教者固多而志其一也君子固不容不舉然
 莫為於前雖美弗彰莫為於後雖盛弗傳顧前人所以作之者
 賴後人有以繼之爾池州舊有志漢唐以前修纂者遠無所考
 宋端平乙未修于郡守王公伯大逮元二百餘年寥寥無聞及
 我國朝又八十年正統戊辰修于郡守葉公恩又三十餘年成
 化戊戌修于常公顯又十八年宏治丙辰再修於陳公良器至
 辛酉續梓于祁公司員於茲又十七年矣數百年間修者匪一

池州府志

舊序

梗槩固無容議間亦或有所遺如城池重務也而始末未詳東
 萊名儒也而詩詞弗載若此者不一此誠典之所缺者紹正不
 敏正德甲戌奉天子命來守是郡間取舊志展閱竊有感焉未
 暇及越五載戊寅政務粗舉謀諸同寅張君棻喻君珪許君濟
 時謂晦翁守南康下車首以郡志為詢良有以也是豈可久稽
 哉乃馳書禮延鄉進士貴池孫君溥青陽章君棟二君博物洽
 聞作事不苟爰參諸史傳圖志相與商確考校信者因之疑者
 缺之訛者正之繁冗者刪之未備者補之時有可采者續之三
 閱月哀集成編以續前志噫今之視昔猶後之視今也使後之

君子於未備未續者引之弗替則斯志永永不朽矣是豈徒然哉以銅為鑑可別妍媸以古為鑑可知得失斯志也其鑑乎可以覽山川之形勝可以考古今之沿革可以驗風俗之盛衰若包公拯趙公昂發諸君宦於斯者也華公岳黃公觀諸先輩生於斯者也若孔武仲諸人流寓於斯者也或循良可法或忠孝可法或節義可法或清風高致可法嗚呼萬古此天地萬古此人心寧不啟後人景行行止之心耶其有裨於風化關於世教豈小補云乎哉庸僭書以引篇端

明王崇重修府志敘

嘉靖二十四年

池州府志

舊序

二

序曰志者記也所以記事之實也卽四方之史也我朝一統志內而京都外而郡縣遠而重譯罔不具載其所著之事自建置以至仙釋凡若干者一披閱閱而天下古今之故卽昭於目前後有作者弗可加也猶歟休哉池州之志漢唐遠無所稽始作於宋守王伯大氏再修於明守葉恩氏而常顯氏陳良器氏祁司員氏何紹正氏又相繼焉蓋歲月推移因革者不一增益者日衆隨時而修之者勢也嘉靖王寅前守柯君實卿因舊志板刻蠹敝章句昏遺迺呈請大巡陳君旣得允遂禮延鄉進士章世昭貢生胡大武暨六邑弟子員數十人重為編纂稿完付東

流宋柱史邦輔裁之而柯君去任矣歲甲辰崇來此郡首詢修志之事而知其由復撰書具幣命學正江汜促宋速成將付諸梓彼以鄉邦難處辭而卻之仍以稿還崇再三檢脉中多盡善然亦有未當者如山川敘事隱而弗章人文編年消而難玩於是復易其稿其規格矩度悉以一統志為式先立綱八篇所以總其凡也續列目七十二類所以著其詳也至若藝文之多以郡有九華齊山古今名公賢士咏歌者無慮數百家文獻足徵孔聖猶惓惓焉而可以遺脫乎哉詞之工拙體之高下又非所論也嗟乎志豈易言哉務繁者或失則曠務簡者或失則畧拘

池州府志

舊序

三

情者或失則曲任已者或失則陋有一於此志之敝也夫惟辨而不華質而不俚其辭不繁其事胥備弗休於勢弗比於暱善者書之而惡者可以戒焉是則志之善也惟善可傳諸久所以為史之義也崇未之能也而有志焉是舉也草創者選貢生桂馨郡學生胡校潤飾校正者崇也協贊其成者二守胡君文路判府勞君樟節推雷君賀王君光宇也肇於乙巳四月成於八月云

明李思恭重修府志敘

萬曆四十年

天池望郡也江山佳麗人文炳蔚前志載之詳矣余治郡之二

年暇日取舊本閱之則見由嘉靖之乙巳距今六十餘年所其間若鄉行也宦蹟也科貢也沿革也類湮沒而無存今而後將日復一日不益令弔古者病於無稽耶於是謀諸同寅林公對陽李公知白僉曰此鉅典也余二三俗吏不足爲輕重惟是微如椽之筆用垂不朽或亦吏茲土者一勝事乎丁太史讀禮家居修之正其時也盍往謁乎余唯唯遂偕林公李公造太史之廬而請焉太史公忻然曰是固先大夫未竟之志也敢不勉爲諸大夫役乃卜日登壇而佐之以余孝廉翹柯明經汝瓚茂才之來而方生時鳴時來又皆有事校閱者也昔郭之詞命成於

池州府志

舊序

四

四賢今茲之舉太史公得無意乎無何孝廉不祿茲編也制作獨出於公手矣凡五閱月而成余取而卒業歎曰語云山有木工則度之謂其量材審而斲削精也太史海內宗工是編之所纂輯集一郡六邑之大成蒐羅詳綜核當筆削嚴微闡公司馬氏之遺也夫杞宋無徵孔子傷之揆厥所由則曰文獻不足惟茲續大典於久廢表勝事於當事後有述者文獻足徵矣是可不爲深幸哉且也太史公行將晉而總裁乎國史以勒一代之實錄則是舉也無亦後日修史之一助乎余山東鄙人也素不嫻於文偶因郡志之成畧述之以弁諸簡

明郡人丁紹軾重修府志敘

萬曆四十年

池州郡志前此籍已湮沒所可攷據者一見於正德戊寅何太公繼宗再見於嘉靖乙巳王太公右山迄今六十八年所重修於我太公李公涵默暨郡佐林公對陽郡理李公知白事有待而興機須時而合苟非其人時與任之愧不依謫陋無能承諸大夫之命猥忝郡人不敢以不斐辭又先大夫別駕嘗承茲役未卒事郡公遷去是又先大夫未竟之志也用是不揣緘焉供命先借孝廉余君翹編次未幾功既偕明經柯君汝瓚茂才柯生之來畢力校讎會都諫南臺吳公里居直指見初劉公讀禮

池州府志

舊序

五

相與印可猶恐魯魚之誤益以方生時鳴時來互相摩勸五閱月而成中間事實本之府舊志採之各邑志而旁搜於一統志及各代史通考通典玉海諸書卽裨官野史諸家小說皆覈之以備軼事至人物幸先大夫遺稿孳然具存藝文謹如郡大夫指於郡詳而於邑畧稱郡志體作史者以文獻爲重兩者不依皆有所師承非認爲己見其他列敘分門亦摹字內名人善本爲之與舊志異亦所云述而非作也志成延諸縉紳孝廉及二三耆老與庠之譽髦商訂之僉以爲然或有病余人物過從寬典余唯唯嘗聞之先大夫鄉賢一鄉之賢不可以國與天下例

也孔氏以宗族稱孝鄉黨稱弟語士其所為孝亦非必以一國
孝天下孝即一身一家用力用勞皆是也郡之史所稱郡之賢
耳使必律以待中之忠則無忠責以楚賓之學則無學余不敢
刺謬先大夫指質之郡大夫郡大夫以為然遂授之副副知我
罪我俟之來者

本朝朴懷玉重修府志敘

池之在南國也人文物產甲於江上前此者不具論明初自黃
侍中觀文章節義為士林所景仰嗣是蟬聯起者雲蒸霞蔚往
往焜耀仕籍中編氓耕稼織紉熙穰相望者慶樂土矣而羨菰

池州府志

舊序

六

蓮芡之所登置醫綱罟之所入無不可以佐七箸後阜蕃池亦
雄郡哉間嘗於治理之暇取舊志所載者閱之有倫有脊畧云
備矣至索尚萬歷壬子以後遂未見表章其盛者致令數十年
內鬱物華而未聞隱風教而弗揚余甚恨焉會今四海同風萬
方歸德乃
詔儒臣纂修一統志以宣鴻烈因令州郡各以其志獻余曰此
池之在昔之人與事蓄極而彰之候乎夫宜
上德於下國貢諸俗於

天朝泄茲土者之事也至上下數十年間察興革之由稽盛衰

之數訪潛德懿行之跡於山阿水滄非郡之縉紳先生及今居
古稽之儒士其能悉乎時鄉紳柯君琴泉方留意翰墨遂偕同
志柯生元兆方生時雍李生時陳生錦宁劉生漢系固皆風諸
典故者也爰具書幣以請屬貴池張令為領袖俾其誼日以謀
始於時耳筆從事者或謀諸野或證諸經上自典墳邱索旁及
稗官野史下逮閭里父老之所傳聞苟有可採罔不搜輯而余
時復取所釐定者相與參酌凡前志之無裨風化者除去之間
有未備乃與今所嗣續者並增益之勒為成書不獨政教之遞
殊習尚之互異瞭如指掌而論列所及覺前賢雖在風流文采

池州府志

舊序

七

猶英英出沒於簡牘百族之蕃衍於川原中者無不紛紛錯錯
隱然森列篇章之表以是上報
天子不洵足擅一方之風氣哉雖然古之作史者非徒矜博綜
之富固期垂法戒以示後也今是書之成也吾願讀之者覽運
會之遷流當思古道之宜復鑒風俗之奢儉當念浮樸之宜遵
感循良之可慕則知先澤猶存乎人心審臧嘉之必錄則知美
好難泯於眾志更觀其履變不渝臨難不苟則知大節所存可
安可危而志必不可奪油然而以悟勃然以興此池人之庶不負
吾志亦吾之所深望於池人者也如曰古人之陳跡不足激發

志氣也豈善讀吾志者哉

本朝馬世永重修府志敘

康熙乙酉余奉

命來守是邦即求是邦之故實而討論之庶以審天時地利之所宜土俗民風之所習以期無失乎興除損益之大要乃檢舊日之所爲志者則又穢蕪脫落不足取徵而且自癸丑至丙戌已閱三紀戶口之登耗幾何物產之盈縮幾何災祥水旱之徵驗幾何人材輩出時事迭更若不有以編次而纂輯之則無以紹遺聞於曩昔傳信紀於來茲矣於是咨之六邑掌故家得遺

池州府志

舊序

八

書之善者以爲據依採三十餘年來人文事蹟以爲增續而又考證之於羣籍取裁之於諸史另起義例得志表傳三類共九十二卷計始事於丙戌之春訖事於辛卯之夏凡六改歲而書成自維夤陬不足以當作者之目而較之前志所列不敢承其訛而必爲正之不敢因其冗而必爲刪之不敢竊其缺畧而必爲補之則庶乎其有一得也夫郡縣志之所以聊且而粗畧者其弊有三一則局於成見也舊文相襲以爲不可移故事相沿以爲不可改寧乖刺於史傳而不可易夙昔之傳聞則可信者半而可疑者亦半矣一則徇於衆口也某某爲鄉邦之望某某

爲文學之良維拉一堂議論纒起究之嗜好嗜惡人挾一私則所爲是者未必是而所爲非者未必非矣一則迫於定期也有司憚供億之煩從事期報竣之速前後不相貫彼此不相符則舍舊而圖新挂一而漏萬矣余惟懼此三者之失故成之於一手遲之於五年夫亦日不拘執成見以爲此邦留文獻之真耳若謂藉筆墨之工侈比事屬辭之勝以自附於盛朝著作之林也則俗吏烏乎敢

池州府志

舊序

九

池州府志纂修姓氏

鑒定

欽命司經局洗馬兼翰林院修撰提督安徽學政長沙劉權之

纂修

特授池州府知府蒲城張士範

同修

池州府江防同知華山王惟一

池州府管糧通判吳江陳增英

貴池縣知縣掖縣林夢鯉

池州府志

纂修姓氏

一

青陽縣知縣偃師段中律

銅陵縣知縣今調宣城縣知縣滿洲鑲紅旗那繼福

銅陵縣知縣廬陵胡元鼈

石埭縣知縣灤州鄭首瀛

原任建德縣知縣昌化許起鳳

建德縣知縣婁縣張世和

東流縣知縣廬陵鄒宏贊

參訂

丙辰科進士無錫王雲萬

分校

池州府儒學教授當塗倪璜

池州府儒學訓導宣城洪紹愈

貴池縣儒學教諭寶應劉師點

貴池縣儒學訓導丹陽張輪

青陽縣儒學教諭鳳臺謝均育

青陽縣儒學訓導歙縣洪近聖

銅陵縣儒學教諭歙縣程啟祐

銅陵縣儒學訓導長洲孫其武

池州府志

纂修姓氏

二

石埭縣儒學教諭王觀臣

原任石埭縣儒學訓導王三顧

原任建德縣儒學教諭無錫王官

建德縣儒學教諭武進秦山

建德縣儒學訓導無錫丁如琦

東流縣儒學教諭通州丁汲

東流縣儒學訓導通州王式敬

採訪

貴池縣

